



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-2008/23
Sarajevo, 27.12.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 34. sjednici održanoj dana 27.12.2023. godine, primilo je k znanju

Informaciju o privrednoj saradnji Grada Sarajeva sa pobratimskim i partnerskim gradovima.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*INFORMACIJA
O PRIVREDNOJ SARADNJI GRADA SARAJEVA
SA POBRATIMSKIM I PARTNERSKIM GRADOVIMA*

Sarajevo, decembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o privrednoj saradnji Grada Sarajeva sa pobratimskim i partnerskim gradovima

Programom međunarodne saradnje Grada Sarajeva za 2023. godinu, broj: 01-GV-02-2024/22, donesenim na 22. sjednici od 28.12.2022. godine, planirana je Informacija o privrednoj saradnji Grada Sarajeva sa pobratimskim i partnerskim gradovima tokom 2023. godine.

Fokusirajući se na razvojnu komponentu, Grad Sarajevo, kroz svoje redovne aktivnosti sa međunarodnim partnerima, nastoji doprinijeti afirmaciji glavnog grada Bosne i Hercegovine kao političkog, privrednog, kulturnog, sportskog, univerzitetskog i turističkog centra regije i Evrope uopće.

U 2023. godini Grad Sarajevo je ostvario niz susreta sa predstavnicima pobratimskih, prijateljskih i drugih gradova i međunarodnih institucija, te diplomatsko-konzularnih predstavništava sa sjedištem u Bosni i Hercegovini i izvan nje. Tokom tih susreta razgovarano je o uspostavljanju ili unapređenju postojeće saradnje u različitim oblastima, među kojima je i privredna saradnja koja se uspješno realizuje uspostavljanjem direktnih kontakata između privrednih komora, razmjenom posjeta privrednika ili biznismena, a sve sa ciljem da Sarajevo zauzme značajno mjesto na regionalnoj, a Bosna i Hercegovina na ekonomskoj i poduzetničkoj mapi Evrope i svijeta.

Kroz razgovore i neposredne kontakte sarajevskih i privrednika pobratimskih, prijateljskih i drugih gradova Evrope i svijeta, otvaraju se mogućnosti za unaprjeđenje poslovno-tehničke saradnje, kao i za investiranje u Kanton Sarajevo i glavni grad Sarajevo, koji imaju potrebu za dinamičnim i modernim razvojem. Pri toj poslovnoj komunikaciji, nemjerljiva je uloga privrednih komora kao posrednika između kompanija, biznis centara i privrednika. Važno je napomenuti da je iniciranje privredne saradnje ili stavljanje na raspolaganje u procesu uspostavljanja privrednih kontakata, sastavni dio većine sporazuma ili memoranduma koje Grad Sarajevo preuzima kao obavezu, njihovim potpisivanjem sa drugim gradovima.

Od sporazuma i memoranduma koji su potpisani tokom 2023. godine, a u kojima se ističe i privredna saradnja, izdvajamo Memorandum o razumijevanju između Grada Kaira i Grada Sarajeva, u kojem se navodi da će se poticati saradnja u oblasti razvijanja i jačanja komercijalnih veza i odnosa putem razmjene iskustava i delegacija između članova trgovačkih komora i koordinacije učesća u relevantnim aktivnostima.

Od sastanaka koji su održani tokom 2023. godine, a na kojima je razgovarano o privrednoj saradnji i jačanju poslovnih i turističkih veza, izdvajamo:

- Sastanak zamjenice gradonačelnice Grada Sarajeva Anje Margetić s delegacijom Opštine Ulcinj 21.07.2023. godine. Tokom susreta sagovornici su najavili uspostavljanje saradnje između dva grada, te su se složili da postoje svi preduslovi za razmjenu ideja i inicijativa na konkretnim projektima u oblasti turizma, kulture, očuvanju kulturno-historijskog naslijeđa i privrede. Delegacija Ulcinja boravila je u Sarajevu u cilju prezentacije projekata na Prvom sajmu nekretnina – Bosnia Property Show 2023 koji je okupio širok spektar renomiranih izlagača iz Turske, Hrvatske, Srbije, Crne Gore, Bahrajna i Bosne i Hercegovine.
- 12. Sarajevo Business Forum otvoren je svečanom ceremonijom u Vijećnici 16.05.2023. godine. Predsjedavajući Gradskog vijeća Jasmin Ademović iskazao je dobrodošlicu svim učesnicima na ovaj izuzetno važan događaj za razvoj bosanskohercegovačke privrede i

promociju BiH u svijetu. Dogradonačelnik Grada Sarajeva Haris Bašić dodijelio je specijalna priznanja „Medaljon Grada Sarajeva” za značajan doprinos u razvoju privrede i promociji regije bivšem predsjedniku Republike Slovenije Borutu Pahoru i državnom ministru vanjske trgovine Ujedinjenih Arapskih Emirata Thani bin Ahmed Al Zeyoudiju.

12. Sarajevo Business Forum je 17. i 18. maja bio mjesto gdje su se poslovni lideri, investitori, stručnjaci susreli i razmijenili znanja i ideje. Kroz brojne panele, prezentacije i govore, učesnici su imali priliku upoznati se sa poslovnim mogućnostima i izazovima u Bosni i Hercegovini, regiji i svijetu.

- Gradonačelnica Grada Sarajeva Benjamina Karić i predsjedavajući Gradskog vijeća Grada Sarajeva Jasmin Ademović ugostili su Robina van Puyenbroeck, izvršnog direktora za poslovni razvoj iz Asocijacije Svjetskih trgovinskih centara (World Trade Center Association), u Vijećnici 02.08.2023.godine. Povod susreta bio je razmatranje mogućnosti za dolazak i širenje brenda WTCA u glavnom gradu Bosne i Hercegovine. Istaknuto je da bi pridruživanje kompanija iz BiH WTCA-u služilo za promociju sarajevskih potencijala, ali i cijelog bosanskohercegovačkog tržišta. Također, osnažilo bi ekonomsku aktivnost i rast grada te privuklo strane investitore. Sagovornici su se složili da je zajednički cilj širenje i razvoj međunarodne trgovine čijim dijelom bh. prijestolnica treba i zaslužuje biti. WTC Sarajevo ima mogućnost da grad predstavi kao važno međunarodno poslovno središte i pruži direktan pristup globalnoj mreži povezanih licenciranih WTC kompanija. Van Puyenbroeck je sa saradnicima istakao ohrabrenje zajedničkom vizijom koju dijele sa gradonačelnicom Sarajeva Benjaminom Karić, da se Sarajevo dalje razvija kao primjer za razvoj mladih i privrede u regionu, pokrećući održivi razvoj u gradu, Bosni i Hercegovini i šire u regionu.
- Zamjenik gradonačelnice Grada Sarajeva Samir Avdić održao je 12.09.2023. godine sastanak sa predstavnicima Međunarodnog sajma privrede i investicija SEE INVEST EXPO. Međunarodni sajam privrede i investicija SEE INVEST EXPO, koji će se 2024. godine održati u Kragujevcu, prilika je da se grad Sarajevo predstavi sa svojim privrednim i ekonomskim potencijalima. Poziv za učešće Grada Sarajeva stigao je od organizatora - Grada Kragujevca, Šumadija sajma i Regionalne agencije za ekonomski razvoj Šumadije. Istaknuto je da se na ovom događaju očekuje učešće gradova i općina, banaka, investitora, međunarodnih donatora i šire poslovne javnosti te predstavlja izvanrednu priliku za promociju privrednih potencijala i investicionih mogućnosti Grada Sarajeva.
- Grad Sarajevo uputio je pozivno pismo pobratimskim i prijateljskim gradovima za učešće na Sajmu „Sarajevo Travel Fest“ – „Destination Festival“ koji će okupiti turističke zajednice i cjelokupne turističke industrije, potencijalne investitore u turističku industriju, proizvođače i trgovce hotelskog i ugostiteljskog namještaja, a koji će se održati u Sarajevu u periodu od 25. do 27. aprila 2024. godine.

ZAKLJUČAK

Fokusirajući se na razvojnu komponentu, Grad Sarajevo značajno doprinosi afirmaciji glavnog grada Bosne i Hercegovine kao političkog, privrednog, kulturnog, sportskog i turističkog centra regije i Evrope uopće. Grad Sarajevo, i pored toga što ima ograničene nadležnosti u oblasti privrede i ekonomije, svojim djelovanjem u oblasti međunarodne saradnje ima priliku da, u okviru svojih mogućnosti, kroz kontakte sa pobratimskim i prijateljskim gradovima, međunarodnim institucijama, kao i sa bosanskohercegovačkom dijasporom, podstiče privrednu saradnju glavnog grada Bosne i Hercegovine, razmjenjuje korisne informacije, posreduje u razvoju privredno-ekonomskih veza i uspostavljanju kontakata između privrednih komora, te doprinosi predstavljanju potencijala na privrednom, kulturnom i turističkom planu.